

聖旨是欽此

強盜殺人斬者發原劫地方梟令例
成化四年八月十一日刑部尚書陸 等

題為禁盜安民事河南清吏司案呈奉本部送刑部
抄出

欽差提督巡捕錦衣衛指揮僉事朱驥題前事節該奉
勅近來京城內外強盜縱橫公然坐騎馬匹數十成群夜
則明火執杖打劫居民財物晝則邀截過往之
人車內搜拿行李牽趕騾驢甚至殺傷人命
雖有巡捕官校及兵馬官兵火夫人等不行用
心緝捕以致似無忌憚今特命尔不妨衛事公同
巡城御史提督五城兵馬并巡捕官校令其不
分晝夜作急挨拿其附近如通州涿州霸州蘇
州昌平等處地方亦須帶領官校時常巡視遇

有盜賊就便捉拿應奏請者具奏定奪務使盜賊殄滅地方寧靜欽此臣自受

命以來節據通州右衛舍人余整并福建福清縣官吏監生施回宗等浙江龍游縣解戶姜二等江西九江府同知相迪等各告在河西務郭縣等處地方被強賊劫去銀兩首飾段疋官絹行李盤纏等物及將余整父余宣殺傷身死施回宗妻男被逼下水淹死等情各告到職臣本凡庸叨蒙重寄慮恐不能偏歷盜賊從橫為患已經案行蘇泳霸等州衛縣委指揮等官陳雄等一體挨拏臣常官校親詣各該地方巡視督捕仰伏天威前項劫財傷人強盜潘斌等俱被官校千戶王英等陸續拏獲臣審招贓服辯明白

奏送法司收問外近據良鄉縣并興州中屯衛各呈據直隸真定府定州民人劉四誠等各告成化四年六月二十三日在本縣地方被強賊劫去行李盤纏將同伴人王安打死并劉四打傷頭破手折等情武清縣呈聞湖廣石首等縣典史褚山等官解紙劄本月二十九日夜在本衛地方何西務住人蘇紳家安歇被強賊劫去盤纏銀兩等物通州左衛亦申本月二十三日本衛地方住坐錦衣衛軍匠湯謹家被賊打劫銀兩衣服布疋通州右衛申稱地方鄉村本年七月初七日強賊二名騎坐馬匹身帶弓箭器械截路打劫過往客人銀兩等物通州右衛中本州地方北關住坐定遼衛軍余李寬家本月初二

日夜暗強賊明火執杖劫去銀兩首飾紗羅衣服等物張家灣住坐錦衣衛先幼蔡宗家本月初九日夜被強賊劫財等情除督官校人等緝捕外查得臣先獲強賊數內一起三名張興招係涿鹿左衛余丁打劫本等住人馬驛寺物各賊俱在本州居住照得京城內外但有被劫地方本衛并巡城御史將該管巡捕委官及該城兵馬叅送法司問罪庶幾知惧盜賊稍寧今各州衛縣中呈前因叅照良鄉縣知縣劉濟興州守七衛指揮同知李智武清衛指揮張瓊通州左衛指揮使陳雄通州右衛指揮陳昌通州吏目李英俱係原委巡捕官員自承臣委兩月之上查無一賊候獲各該地方累報強賊劫財打

死人命顯是各官視常因循奸願怠慢不行用心督併設法挨拿以致賊徒肆無忌憚往往打劫若不重加懲治誠恐盜賊日甚為非所據各官俱各提問及照涿州知州孔淮巡捕委官同知姚遜涿鹿左衛原委掌印指揮使李景明知強賊張興等俱係所屬軍餘在州居住節次截路打劫居人財物既不能鈴束又不能撫捕顯有故縱情弊亦合拏問再照臣節獲強賊潘斌等俱係劫財殺人情罪深重決不待時因犯如

蒙乞

勅法司將各犯依律處決首級發去原劫地方梟令示眾以警將來及將指揮知州等官李智等通行拿問明白奏

請發落庶使法令嚴明奸頑知惧盜賊斂跡地方寧靜緣係提問軍職及五品以上文職官員并梟令強賊首級事理具題奉

聖旨法司知道欽此欽遵抄出送司查得朱驥節次捕獲賊犯一十七起共五十九名俱送本部并都察院收問數內陸續病故三十一名開擬斬罪覆奏處決奉

欽依監育六名見監覆奏一十一名見問未結一十一名案呈到部參照錦衣衛指揮僉事朱驥題稱良鄉縣知縣劉濬興州中屯衛指揮同知李智武清衛指揮使張瓊通州左衛指揮使陳雄通州右衛指揮陳昌通州吏目李英俱係原委巡捕官員自承委兩月之上查無一賊捉獲各該地

方累報強賊劫財打死人命顯是各官視常因循奸懶怠慢不行用心督併設法挨拿以致賊徒肆無忌憚往來打劫及照涿州知州孔淮巡捕委官州同知姚濬涿鹿左衛原委掌印指揮使李景明知強盜張興等俱係所屬軍餘在州居住節次截路打劫居人財物既不能鈴束又不能撫捕顯有故縱情弊俱屬有違俱合提問又稱節獲強盜潘斌等俱係劫財殺人情罪深重決不待時因犯乞將各犯依律處決首級發去原劫地方梟令示衆以警將來一節所言有理今查各賊除在京闕廟打劫及病故外先該本部等衙門奏奉

欽依監候者仍俱覆奏處決將首級發去原劫地方梟令

見監問覆奏未結年今後獲到賊犯宜從原問

衙門臨時奏

諸處決發首級去原劫地方梟令庶使法令嚴明盜賊警
畏緣查提指揮使等官張瓊等俱係軍職知州

孔淮五品官并梟令強賊首級奉

欽依法司知道事理未敢擅便具題次日於

西角門奏奉

聖旨是欽此

強盜俱係殺傷人及強姦婦女者俱各立
首例

成化四年十一月初八日大理寺卿王 等

題為禁盜安民事照得先該刑部題刑科抄出

欽差提督巡捕錦衣衛指揮僉事朱驥題稱節獲強盜潘

斌等俱係劫財殺人情罪深重決不待時因犯

乞

勅法司將各犯依律處決首級發去原劫地方梟令示衆

以警將來等因本部擬奏今查各賊除在京闕

廂打劫及病故外先該本部等衙門奉奏

欽依監候者仍候覆奏處決將首級發去原劫地方梟令

見監問覆奏未結年今後獲到賊犯宜從原問

衙門臨時奏